



Jumat, 10 Juni 2022

Ogen: ESEKIEL 39:11-20



IBERSIHKEN MULIHI



Kalak si tate i bas peristiwa pembalasan Tuhan man Gog ras pasuken a lanai terbeligai buena. Seh maka perlu 7 bulan gelah taneh ngempangi mait-mait ndai mesai mulihi. I je kalak Israel arus erdahin tuhu-tuhu gelahna taneh e mesai mulihi.

Kerina kalak i bas negri e reh nampati engkuburken mait e. La lit si tading-tading i bas mpesikap si meluat erkiteken pertumpahan dareh e. *Ipilih me piga kalak lako niari negri e si e ilakoken guna ndaram-ndarami sisa-sisa mait si tading denga,* mungkin la iidah sangana kerina bangsa Israel ndai nggo erdahin selama 7 bulan. Kalak enda terus edahin gelah kerina bekas keliamen e lanai lit.

Adi Gog enda iandingken kuasa kegelapen janah kerina singikutken ia e me kap dosa. Maka ate Tuhan arah surat enda, ncidahkenca la ateNa ngena nandangi dosa. Erkiteken si e kalak si ngaku tek man Tuhan enggo jadi bangsa Tuhan pe arus maka ciga atena dosa. Kerina kita selaku kalak Kristen arus erciga ate nandangi dosa. Adi lit perbahanen dosa siidah, radu raslah kita guna mpesikapsa. Bage me peran kalak Kristen. I bas naluken kuasa dosa enda pe enggom ipilih serayan-serayan si secara khusus idilo ndahiken dahin berita si meriah, gelah lanai lit kalak tading i bas dosa. Jadi perenungen banta ntah kita jemaat biasa ntah pe pertua diaken ntah pandita. Enggo me ceda ateta nandangi dosa? Uga kerjasamanta sedekah enda mpedauh dosa i bas lingkunganeta nari. Adi nai, i bas sada kuta adi lit kalak erlua-lua, minter nge radu ras ken anak kuta mpelawessa. Sabap dosa siibahanna banci ncedai kegeluhen ras ngolangi kesangapen anak kuta. Labo gia alu cara si keras ras ekstrim, banci nge genduari sipeturah ukurta guna radu empersingeti gelah ula terbiasa erdosa, alu bage la kerina kita kena mara.



[The main body of the page is a large, blank white area with a wavy top edge, intended for writing.]